

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
OPĆINA NOVO SARAJEVO
JAVNA USTANOVA OSNOVNA ŠKOLA
"POFALIĆI" SARAJEVO

Na osnovu odredbi Zakona o osnovnom odgoju i obrazovanju („Službene novine Kantona Sarajevo“ broj: 23/17, 33/17, 30/19 i 34/20), Pravilnika sa kriterijima za prijem radnika u radni odnos u predškolskim ustanovama, osnovnim i srednjim školama kao javnim ustanovama na području Kantona Sarajevo („Službene novine Kantona Sarajevo“ broj: 35/17), Odluke Školskog odbora JU OŠ „Pofalići“ Sarajevo, broj: 01-1-110/21 od 26.1.2021. godine i Odluke Školskog odbora JU OŠ „Pofalići“ Sarajevo, broj: 01-1-326/21 od 17.3.2021. godine, **poništava se dio Javnog konkursa** za popunu upražnjenih radnih mjesta objavljenog dana 14.11. 2020. godine u dnevnom listu „Oslobođenje“ i na web stranici Ministarstva za odgoj i obrazovanje Kantona Sarajevo i to za sljedeća radna mjesta:

- Pozicija a) 7. Nastavnik/nastavnica informatike – 1 izvršilac, 12 časova sedmično, na određeno vrijeme od okončanja konkursne procedure do 31.8.2021. godine (razlog poništenja - niti jedan prijavljeni kandidat nije prihvatio angažman na navedeno radno mjesto);
- Pozicija a) 2. Nastavnik/nastavnica engleskog jezika – 1 izvršilac, 15 časova sedmično, na određeno vrijeme od okončanja konkursne procedure do 31.8.2021. godine (razlog poništenja je otkaz ugovora o radu od strane radnika sa kojim je Škola sklopila Ugovor o radu na određeno vrijeme nakon okončanja konkursne procedure);
- Pozicija d) 1 Ložač.... 1 izvršilac, puno radno vrijeme (40 sati sedmično) na određeno vrijeme od okončanja konkursne procedure do povratka radnika sa bolovanja, a najkasnije do 31.8.2021. godine (razlog poništenja je povratak radnika sa bolovanja).

Ostale pozicije ostaju nepromijenjene.

Istovremeno a na osnovu člana 88. Zakona o osnovnom odgoju i obrazovanju („Službene novine Kantona Sarajevo“ broj: 23/17, 33/17, 30/19 i 34/20), člana 72. Pravila JU „Pofalići“ Sarajevo, članova 3. i 11. Pravilnika sa kriterijima za prijem radnika u radni odnos u predškolskim ustanovama, osnovnim i srednjim školama kao javnim ustanovama na području Kantona Sarajevo („Službene novine Kantona Sarajevo“ broj: 35/17), Saglasnosti Ministarstva za odgoj i obrazovanje Kantona Sarajevo, broj: 11-30-641-30/21 od 8. 2.2021. godine, Saglasnosti, broj: 11-30-641-55/21 od 8.3.2021. godine i Odluke Školskog odbora JU OŠ „Pofalići“ Sarajevo, broj: 01-1-327/21 od 17.3.2021. godine raspisuje se

JAVNI KONKURS
za popunu upražnjenih radnih mjesta u školskoj 2020./2021. godini

1. *Nastavnik/nastavnica informatike.... 1 izvršilac, 12 časova sedmično, na određeno vrijeme od okončanja konkursne procedure do 30. 6. 2021. godine;*
2. *Nastavnik/nastavnica engleskog jezika.... 1 izvršilac, 15 nastavnih časova, na određeno vrijeme od okončanja konkursne procedure do 30. 6. 2021. godine;*
3. *Ložač... 1 izvršilac, puno radno vrijeme (40 sati sedmično) na određeno vrijeme od okončanja konkursne procedure do 31. 8. 2021. godine.*

Uslovi: Pored općih uslova za zasnivanje radnog odnosa utvrđenih Zakonom o radu („Službene novine FBiH“ broj: 26/16 i 89/18), kandidati treba da ispunjavaju i posebne uslove predviđene Zakonom o osnovnom odgoju i obrazovanju, Nastavnim planom i programom za osnovne škole, Pedagoškim standardima i općim normativima za osnovni odgoj i obrazovanje i normativima radnog prostora, opreme, nastavnih sredstava i učila po predmetima za osnovnu školu, Pravilnikom o unutrašnjoj organizaciji i sistematizaciji radnih mjesta u JU OŠ „Pofalići“ Sarajevo (objavljen na www.ospofalici.edu.ba).

OBAVEZNA DOKUMENTACIJA KOJU SU KANDIDATI DUŽNI BLAGOVREMENO DOSTAVITI:

- a) svojeručno potpisanu pisanu prijavu na konkurs sa kratkom biografijom, kontakt podacima kandidata, tačnom naznakom na koju poziciju se konkuriše i tačno navedenom dokumentacijom koja se prilaže uz prijavu na konkurs,
- b) diplomu/svjedodžbu o stečenoj stručnoj spremi ili akademskom zvanju,
- c) izvod iz matične knjige rođenih,
- d) uvjerenje o državljanstvu (ne starije od 6 mjeseci),
- e) i druge dokaze o ispunjavanju uslova za to radno mjesto utvrđenim Pravilnikom o unutrašnjoj organizaciji i sistematizaciji radnih mjesta.

- za poziciju pod rednim brojem 3. završen III ili IV stepen stručne spreme, specijalista za određenu vrstu kotlovnice

PORED OBAVEZNE DOKUMENTACIJE, KANDIDATI MOGU DOSTAVITI DODATNU DOKUMENTACIJU:

- a) uvjerenje/potvrda o radnom stažu i uvjerenje sa šifrom zanimanja koje izdaje Fond za penzijsko- invalidsko osiguranje,
- b) potvrde o ostvarenom radnom stažu kod poslodavca kod kojeg je kandidat radio sa tačno naznačenim poslovima i radnim zadacima, te godinama i mjesecima radnog staža koje je kandidat obavljao,
- c) uvjerenje o položenom stručnom ispitu,
- d) potvrdu o vremenu provedenom na evidenciji Službe za zapošljavanje Kantona Sarajevo (ne starija od tri mjeseca),
- e) rješenje o sticanju posebnog stručnog zvanja koje je izdato u skladu sa Pravilnikom o ocjenjivanju, napredovanju i sticanju stručnih zvanja odgajatelja, profesora/nastavnika i stručnih saradnika u predškolskim ustanovama, osnovnim i srednjim školama i domovima učenika,

f) rješenje o ocjeni o radu koja je utvrđena u tekućoj ili prethodnoj kalendarskoj godini, a koje je izdato u skladu sa Pravilnikom o ocjenjivanju, napredovanju i sticanju stručnih zvanja odgajatelja, profesora/nastavnika i stručnih saradnika u predškolskim ustanovama, osnovnim i srednjim školama i domovima učenika,

g) rješenje/uvjerenje nadležnog kantonalnog/općinskog organa o priznavanju svojstva člana porodice šehida/poginulog branioca, člana porodice nestalog i umrlog branioca, dobitnika ratnog priznanja i odlikovanja, člana porodice poginulog, umrlog i nestalog dobitnika ratnih priznanja i odlikovanja, ratnog vojnog zarobljenika i demobilisanog branioca kao zaslužnog lica u odbrambeno-oslobodilačkom ratu sa područja Kantona Sarajevo, ratnog vojnog invalida i člana porodice ratnog vojnog invalida izdato u svrhu ostvarivanja prava prednosti pri zapošljavanju, ne starije od šest mjeseci.

h) osobe koje imaju status naveden u članu 10. stav 2. Pravilnika sa kriterijima za prijem radnika u radni odnos u predškolskim ustanovama, osnovnim i srednjim školama kao javnim ustanovama na području Kantona Sarajevo, obavezne su pored rješenja/uvjerenja nadležnog kantonalnog/općinskog organa o priznavanju statusa dostaviti i uvjerenje/potvrdu o neprekidnom prebivalištu na području Kantona Sarajevo u posljednjih 24 mjeseca (ne starije od šest mjeseci),

i) potvrdu o autorstvu/koautorstvu udžbenika koju izdaje Federalno ministarstvo obrazovanja i nauke na osnovu člana 169. i 170. Zakona o upravnom postupku FBiH (2/98 i 48/99).

Kandidati koji ostvaruju prava po osnovu Uredbe o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo ("Službene novine Kantona Sarajevo", broj: 37/20), dužni su dostaviti dokumenta koja su propisana navedenom Uredbom a kojima se dokazuje pripadnost nekoj od kategorija. Pored dokumenata kojim se dokazuje status korisnika po ovoj Uredbi, kandidati su dužni da dostave dokaz-uvjerenje/potvrdu da imaju prijavljeno prebivalište/boravište u Kantonu Sarajevo.

Dokumenti kojim se dokazuje status korisnika po navedenoj Uredbi su:

Redni broj	Pripadnost braničkoj kategoriji	Naziv dokaza - dokumenta	Organ koji ga izdaje
1.	Član porodice šehida/poginulog, umrlog i nestalog branioca	-Uvjerenje o statusu djeteta šehida-poginulog, umrlog i nestalog branioca -Rješenje o priznatom pravu na porodičnu invalidninu za suprugu šehida-poginulog, umrlog i nestalog branioca i -Uvjerenje o učešću u Oružanim snagama za šehida-poginulog, umrlog i nestalog branioca	Općinska služba za boračko-invalidsku zaštitu Grupa za pitanja evidencija iz oblasti vojne obaveze prema mjestu prebivališta
2.	Ratni vojni invalid	Rješenje o priznatom svojstvu ratnog vojnog invalida	Općinska služba za boračko-invalidsku zaštitu
3.	Dobitnik ratnog priznanja i dolikovanja	Rješenje o priznatom pravu na mjesečno novčano primanje dobitniku priznanja	Općinska služba za boračko-invalidsku zaštitu
4.	Demobilizirani branioci	Uvjerenje o učešću u Oružanim snagama	Grupa za pitanja evidencija iz oblasti vojne obaveze prema mjestu prebivališta
5.	Dijete: a) ratnog vojnog invalida b) dobitnika ratnog priznanja i odlikovanja c) demobiliziranog branioca	Uvjerenje o statusu djeteta ratnog vojnog invalida Rješenje o priznatom pravu na: a) invalidninu, b) mjesečni novčani dodatak c) uvjerenje o učešću u oružanim snagama	a) i b) Općinska služba za boračko-invalidsku zaštitu b) Grupa za pitanja evidencija iz oblasti vojne obaveze prema mjestu prebivališta

U skladu sa članom 5. Uredbe o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo ("Službene novine Kantona Sarajevo", broj: 37/20), lica iz člana 3. navedene Uredbe imaju pravo na prvenstvo pri zapošljavanju, a na evidenciji su JU „Službe za zapošljavanje Kantona Sarajevo“ ili su zaposlena sa nižom stručnom spremom od one koju posjeduju, o čemu su dužni dostaviti dokaz.

Nepotpune i neblagovremene prijave neće se uzimati u razmatranje. Pod nepotpunom prijavom smatrat će se prijava kandidata koji nije dostavio obaveznu dokumentaciju traženu konkursom.

Prijava kandidata koji ne dostavi dodatnu dokumentaciju smatrat će se urednom, a prijavljeni kandidat bodovat će se samo na osnovu onih kriterija za koje dostavi urednu i validnu dokumentaciju.

Dokumentacija koju kandidat dostavlja uz prijavu na konkurs mogu biti kopije uz obaveznu da kandidat koji je primljen po konkursu dostavi originalnu dokumentaciju ili ovjerene kopije dokumentacije, najkasnije 5 dana po dobijanju Odluke o izboru radnika.

Kriteriji, procedure, uslovi i izbor kandidata regulisani su Pravilnikom sa kriterijima za prijem radnika u radni odnos u predškolskim ustanovama, osnovnim i srednjim školama kao javnim ustanovama na području Kantona Sarajevo („Službene novine Kantona Sarajevo“ broj: 35/17).

Prijave na konkurs sa traženom dokumentacijom potrebno je dostaviti u zatvorenoj koverti na adresu škole:

**Javna ustanova Osnovna škola "Pofalići" Sarajevo,
Ulica Ivanjska broj 1,
71000 Sarajevo;**

s naznakom na koverti „Prijava na javni konkurs za poziciju broj __“

Nakon konačnosti odluke o izboru, izabrani kandidat je obavezan dostaviti ljekarsko uvjerenje nadležne zdravstvene ustanove koje nije starije od šest mjeseci.

Dokumentacija prijavljenih kandidata koji nisu izabrani po ovome konkursu, vraća se isključivo na lični zahtjev putem protokola Škole u roku od 30 dana od okončanja konkursne procedure.

Konkurs ostaje otvoren 8 (osam) radnih dana od dana objavljivanja. Konkurs je objavljen u dnevnom listu „Oslobođenje“ i službenoj web stranici Ministarstva za odgoj i obrazovanje Kantona Sarajevo dana 19. 3. 2021. godine i krajnji rok za prijavu je 31. 3. 2021. godine.